

Dr. J. Hartog
c/o. Opembare-
Leeszaal



CXI

5 Maart 1964

Prijs exemplar 50 cts

OBSERVADOR

Semanario Informativo  Netamente Arubiano

Rufo Wever,
genio musical,
lo debuta
na T.V.



E GENIO MUSICAL RUFO WEVER LO DEBUTA NA TELEVISION



Diabierne awor, 6 di Maart, un di nos artista- nan maxi- mo, RUFO WEVER, lo haci su debut dilanti di canal 12 di Tele-Aru-

ba. Despues di un ausencia di basta aña pueblo lo por mira e genio cu ta toca piano e 'un solo man — tur diabierne anochi di 7.45 pa 8.15 pa un temporada basta largo.

No ta laga duda cu Rufo lo causa sensacion diabierne awor como cu hopi di nos cu si a jega di tende su musica pero cu nunca a presenci'e personalmente, a- wor, lo hanja e oportunidad amplio pa admir'e y puntra nan mes "ta di con e por".

Tin momentonan cu bo ta sinta reflexiona tocante bo isla. I den bo mente bo ta repasa tur e valornan grandi cu bo isla a produci, e hechonan cu ta haci bo isla grandi, pasobra pa chiquito cu Aruba ta, e tin su cosnan grandi.

Y un di e valornan mas grandi cu Aruba a yega di produci ta e gran musico RUFO WEVER, pero gran musico den e berdadero sentido di e palabra.

Naci cu un talento excepcional pa musica, el a desarolla e talento aki te bin para den e categoria di genio, pero e exitoso carrera aki a worde interrumpi mes repentidamente cu tragicamente despues di un accidente.

No ta agradabel pa recorda hechonan tragico for di bida di un hende, pero tampoco ta correcto pa disimula nan, pasobra ta e hechonan aki generalmente ta duna relieve na e berdadero caracter y na e calidadnan — riba cual terreno cu nan ta — di un persona, especialmente ora e per-

sona en cuestion tin e don di por expresa su sintimentonan mas intimo pa medio di musica of cualquier otro expresion artistico.

No obstante su handicap, cual nos por considera di un banda como e infortunio di e bida artistico aki y cual a transform'e den un especie di eremita, toch el a keda pone su calidadnan, su genio musical, na disposicion di su pueblo.

Na ki manera? Esey nos lo spli- ca den e siguiente espacio.

Hopi hende ta protesta contra e ausencia di Rufo Wever, y nan ta haci cu un solo intencion, esta, cu nan ta orgulloso cu Aruba tin un genio di e caliber di Rufo Wever y nan kier tin'e continuamente den nan presencia.

Nos ta comprende e punto di bista aki completamente, pero di otro banda toch nan no tin razon. Rufo Wever tin e derecho di biba su bida artistico manera e kier y den e ambiente cual e ta haya mas adecuado di acuerdo cu e circunstancias.

No obstante cu pa basta aña el a isola su mes enteramente, toch e ta presente continuamente cerca pueblo, talvez no fisicamente, pero si espiritualmente.

E solo mencionamento di su nomber ta evoca inmediatamente respet tanto pa su persona como pa e riqueza cu e musica propio di Aruba ta ofrece.

E musica cu el a compone tin algo caracteristico, cu nos kier califica como un harmonia perfecto entre melodia y sintimentonan profundo. Varios biaha nos a presencia cu personanan cu no tabata sabi nada di musica, tabata comenta ora nan tende un wals di Rufo Wever: "Esta un bunita wals sentimental."

Musical talvez e expresion aki ta incorrecto, pero ta demonstra claramente cu e composicion musical di Rufo Wever a suscita algo den e persona ey, cu e wals ey a penetra te den profundidad

di e alma di e persona ey. Y esey no ta e honor mas grandi cu un musico por haya, esta, cu algo cu sali for di su curazon ta penetra te den curazon di un otro persona?

Casualmente na e momento aki ta corriendo den nos mente e melodia di e wals di Rufo Wever "Soñando". Esaki ta un wals cu a worde publica y nos tin su musica den nos coleccion Tecnicamente e no ta un wals dificil, lo- cual no ta necesario tampoco, pa- sobra den henter e teoria di mu- sica no ta existi ningun regla cu musica mester ta dificil tecnica- mente, pero su contenido ta de lo mas rico.

E poeta berdaderamente gran- di no tin mester di miles di pa- labra of palabranan dificil pa al- canza e curazonnan di e amante- nan di poesia. E berdadero genio ta reflesha su mes den lo mas chi- quito tambe.

Pero pa bini back riba e wals "Soñando", nos ta kere cu cual- quier hende por toqué debida- mente. E wals no ta worde toca nunca den publico of pa publico y nos ta contento di un banda, pasobra facilmente e ta worde daña. Asina halto nos ta califica e musica di Rufo Wever.

Un punto cu nos no por keda sin menciona den e articulo aki ta e siguiente. Hopi biaha na Aruba nos ta tende e musica di cah'i orgel resona y esey ta pone hopi hende corda atrobe cu Rufo Wever continuamente ta den nan presencia, espiritualmente.

E ta e unico riba Antillas Hu- landes, cu ta traha cilindro pa e instrumento musical mas arubiano cu ta existi. Durante mas cu binti aña e ta haci e trabao aki caba y automaticamente nos ta bira pesimista. Den nos opinion, Aruba no ta Aruba sin cah'i or- gel y Rufo ta e unico cu ta per- cura pa subsistencia di e instru- mento aki.

Dia cu Rufo Wever no t'ey kende lo sigui?

Nos ta spera cu un dia lo surgi

un persona cu ta dispuesto pa si-
ña e arte aki.

Y e mehor ilustracion pa e
intransigencia di un genio mane-
ra Rufo Wever, ta e wals "Aru-
banita", cual el a compone tem-
po cu e tabatin 18 aña y te ainda
ta mescos como si fuera cu "Aru-
banita" a drenta plaza no mas cu
ayera.

■